

庄子



《庄子》是中国古代哲学经典之一，属于道家学派的重要著作。其作者是庄子（约公元前369年—公元前286年），名周，战国时期宋国蒙（今河南商丘）人。庄子是继老子之后...

庄周

目 录

- 1 目录
- 2 逍遥游
- 3 齐物论
- 4 养生主
- 5 人间世
- 6 德充符
- 7 大宗师
- 8 应帝王
- 9 骈拇
- 10 马蹄
- 11 胠箝
- 12 在宥
- 13 天地
- 14 天道
- 15 天运
- 16 刻意
- 17 缮性
- 18 秋水

- 19 至乐
- 20 达生
- 21 山木
- 22 田子方
- 23 知北游
- 24 庚桑楚
- 25 徐无鬼
- 26 则阳
- 27 外物
- 28 寓言
- 29 让王
- 30 盗跖
- 31 说剑
- 32 渔父
- 33 列御寇
- 34 天下

目录

1. 逍遥游
2. 齐物论
3. 养生主
4. 人间世
5. 德充符
6. 大宗师
7. 应帝王
8. 骈拇
9. 马蹄
10. 胠箠
11. 在宥
12. 天地
13. 天道
14. 天运
15. 刻意
16. 缮性
17. 秋水

18. 至乐
19. 达生
20. 山木
21. 田子方
22. 知北游
23. 庚桑楚
24. 徐无鬼
25. 则阳
26. 外物
27. 寓言
28. 让王
29. 盗跖
30. 说剑
31. 渔父
32. 列御寇
33. 天下

逍遥游

北冥有鱼，其名为鲲。鲲之大，不知其几千里也。化而为鸟，其名为鹏。鹏之背，不知其几千里也。怒而飞，其翼若垂天之云。是鸟也，海运则将徙于南冥。南冥者，天池也。

《齐谐》者，志怪者也。

《谐》之言曰：“鹏之徙于南冥也，水击三千里，抟扶摇而上者九万里，去以六月息者也。”野马也，尘埃也，生物之以息相吹也。天之苍

苍，其正色邪？其远而无所至极邪？其视下也，亦若是则已矣。

且夫水之积也不厚，则其负大舟也无力。覆杯水于坳堂之上，则芥为之舟。置杯焉则胶，水浅而舟大也。风之积也不厚，则其负大翼也无力。故九万里则风斯在下矣，而后乃今培风；背负青天而莫之夭阏者，而后乃今将图南。

蜩与学鸠笑之曰：“我决起而飞，抢榆枋而止，时则不

至，而控于地而已矣，奚以之九万里而南为？”适莽苍者，三餐而反，腹犹果然；适百里者，宿舂粮；适千里者，三月聚粮。之二虫又何知！

小知不及大知，小年不及大年。奚以知其然也？朝菌不知晦朔，蟪蛄不知春秋，此小年也。楚之南有冥灵者，以五百岁为春，五百岁为秋；上古有大椿者，以八千岁为春，八千岁为秋，此大年也。而彭祖乃今以久特

闻，众人匹之，不亦悲乎！
汤之问棘也是已：穷发之
北，有冥海者，天池也。有
鱼焉，其广数千里，未有知
其修者，其名为鲲。有鸟
焉，其名为鹏，背若泰山，
翼若垂天之云，抟扶摇羊角
而上者九万里，绝云气，负
青天，然后图南，且适南冥
也。

斥鴳笑之曰：“彼且奚适也？
我腾跃而上，不过数仞而
下，翱翔蓬蒿之间，此亦飞
之至也，而彼且奚适也？”此

小大之辩也。

故夫知效一官，行比一乡，德合一君，而征一国者，其自视也，亦若此矣。而宋荣子犹然笑之。且举世而誉之而不加劝，举世而非之而不加沮，定乎内外之分，辩乎荣辱之境，斯已矣。彼其于世，未数数然也。虽然，犹有未树也。

夫列子御风而行，泠然善也，旬有五日而后反。彼于致福者，未数数然也。此虽免乎行，犹有所待者也。

若夫乘天地之正，而御六气之辩，以游无穷者，彼且恶乎待哉！故曰：至人无己，神人无功，圣人无名。

尧让天下于许由，曰：“日月出矣，而燭火不息，其于光也，不亦难乎！时雨降矣，而犹浸灌，其于泽也，不亦劳乎！夫子立而天下治，而我犹尸之，吾自视缺然。请致天下。”许由曰：“子治天下，天下既已治也，而我犹代子，吾将为名乎？名者，实之宾也，吾将为宾乎？鷓

鵲巢于深林，不过一枝；偃鼠饮河，不过满腹。归休乎君，予无所用天下为！庖人虽不治庖，尸祝不越樽俎而代之矣。”

肩吾问于连叔曰：“吾闻言于接舆，大而无当，往而不返。吾惊怖其言犹河汉而无极也，大有径庭，不近人情焉。”连叔曰：“其言谓何哉？”“曰‘藐姑射之山，有神人居焉。肌肤若冰雪，淖约若处子；不食五谷，吸风饮露；乘云气，御飞龙，而游

乎四海之外；其神凝，使物不疵疠而年谷熟。’吾以是狂而不信也。”连叔曰：“然，瞽者无以与乎文章之观，聋者无以与乎钟鼓之声。岂唯形骸有聋盲哉？夫知亦有之。是其言也，犹时女也。之人也，之德也，将旁礴万物以为一，世蕲乎乱，孰弊弊焉以天下为事！之人也，物莫之伤，大浸稽天而不溺，大旱金石流、土山焦而不热。是其尘垢粃糠，将犹陶铸尧舜者也，孰肯以物为

事！”

宋人资章甫而适越，越人断发文身，无所用之。

尧治天下之民，平海内之政。往见四子藐姑射之山，汾水之阳，窅然丧其天下焉。

惠子谓庄子曰：“魏王贻我大瓠之种，我树之成而实五石。以盛水浆，其坚不能自举也。剖之以为瓢，则瓠落无所容。非不呶然大也，吾为其无用而掊之。”庄子曰：“夫子固拙于用大矣。宋人有

善为不龟手之药者，世世以洴澼絖为事。客闻之，请买其方百金。聚族而谋之曰：‘我世世为洴澼絖，不过数金。今一朝而鬻技百金，请与之。’客得之，以说吴王。越有难，吴王使之将。冬，与越人水战，大败越人，裂地而封之。能不龟手一也，或以封，或不免于洴澼絖，则所用之异也。今子有五石之瓠，何不虑以为大樽而浮乎江湖，而忧其瓠落无所容？则夫子犹有蓬之心也夫！”

惠子谓庄子曰：“吾有大树，人谓之樗。其大本臃肿而不中绳墨，其小枝卷曲而不中规矩。立之涂，匠者不顾。今子之言，大而无用，众所同去也。”庄子曰：“子独不见狸狌乎？卑身而伏，以候敖者；东西跳梁，不避高下；中于机辟，死于罔罟。今夫斄牛，其大若垂天之云。此能为大矣，而不能执鼠。今子有大树，患其无用，何不树之于无何有之乡，广莫之野，彷徨乎无为

其侧，逍遥乎寝卧其下。不夭斤斧，物无害者，无所可用，安所困苦哉！”

解释

北冥有一种鱼，名叫鲲。鲲的巨大，不知道有几千里。它变化为鸟，名叫鹏。鹏的背，不知道有几千里。当它振翅高飞时，翅膀就像垂在天边的云。这只鸟，当海风起时，就会迁徙到南冥。南冥是天池。

《齐谐》是一本记载怪异事物的书。书中说：“鹏迁徙到南冥时，翅膀拍击水面激起三千里浪花，乘着旋风飞上九万里高空，飞行六个月才休息。”野马般的尘埃，生物的气息相互吹拂，天空的苍茫，是它本来的颜色吗？还是因为遥远而看不到尽头？从天空往下看，也不过如此。

如果水积得不深，就无法承载大船。倒一杯水在低洼处，只能浮起小草，放上杯

子就会搁浅，因为水太浅而船太大。风积得不厚，就无法托起巨大的翅膀。所以鹏飞九万里，风就在它下面，然后才能乘风而行；背负青天而无所阻碍，才能向南飞。

蝉和小鸟嘲笑鹏说：“我们一跃而起，飞到榆树和枋树上，有时飞不到，就落在地上，何必飞九万里到南冥去呢？”去近郊的人，带三餐食物，回来时肚子还饱；去百里外的人，要准备一宿的粮

食；去千里外的人，要准备三个月的粮食。蝉和小鸟又怎么知道这些呢？

小智慧比不上大智慧，短命比不上长寿。怎么知道是这样呢？朝菌不知道一天的变化，螻蛄不知道四季的更替，这是短命。楚国的南边有一种冥灵树，以五百年为一个春天，五百年为一个秋天；上古有一种大椿树，以八千年为一个春天，八千年为一个秋天，这是长寿。而